

საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი



გამარტივებული ელექტრონული ტენდერი

სადაზღვევო მომსახურების შესყიდვის სატენდერო დოკუმენტაცია
(CPV – 66500000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების საფუძველზე.

ქ. თბილისი
2016წ.

1. შესყიდვის ობიექტი:

შესყიდვის ობიექტს წარმოადგენს შემსყიდველის ბალანსზე რიცხული შენობა-ნაგებობების სადაზღვევო მომსახურება, დანართი №2-ის შესაბამისად.

2. დასაზღვევი რისკ-ფაქტორები (ნულოვანი ფრანშიზით):

- ხანძარი (მათ შორის მოკლე ჩართვით გამოწვეული);
- აფეთქება;
- მეხის დაცემა;
- სტიქიური მოვლენები - სეტყვა, წყალდიდობა, მიწისძვრა, ნიადაგის ჩამოშლა, მეწყერი, ზვავი, გრუნტის აწევა ან დაწევა, თოვლის სიმძიმით გამოწვეული ფიზიკური ზიანი, შტორმი ქარიშხალი.
- დატბორვა, წყალგაყვანილობის სისტემის მწყობრიდან უეცარი და მოულოდნელი გამოსვლა;
- კვამლით დაზიანება;
- მესამე პირთა მართლსაწინააღმდეგო ქმედება, რომელიც მიმართულია დაზღვეული ქონების განზრახ დაზიანების ან განადგურებისკენ;
- სატრანსპორტო საშუალებათა შეჯახება;
- საფრენი აპარატის ან მათი ნაწილების ჩამოვარდნა;

3. სადაზღვევო ანაზღაურების გაცემის პირობები:

3.1 სადაზღვევი ანაზღაურების გადახდის საფუძველს წარმოადგენს შეფასების აქტი, რომელიც დგება მზღვეველის უფლებამოსილი პირის მიერ, დამზღვევის მონაწილეობით და რომელშიც განისაზღვრება სადაზღვევო შემთხვევით გამოწვეული ზიანის სიდიდე;

3.2 მხარეთა ურთიერთშეთანხმებით ზარალის ოდენობის შეფასება შეიძლება მოხდეს დამოუკიდებელი ექსპერტის მეშვეობით;

3.3 სადაზღვევო ანაზღაურება შეიძლება გადახდილი იქნას, როგორც მიყენებული ზიანის შესაბამისი თანხით, ასევე დამზღვევსა და მზღვეველს შორის ურთიერთშეთანხმებით განსაზღვრული ფორმით.

3.4 სადაზღვევო ანაზღაურება გადახდილი უნდა იქნას, სადაზღვევო შემთხვევის დადგომის დადასტურებიდან 30 დღის ვადაში.

4. ანგარიშსწორების პირობები:

4.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული გასაწევი მომსახურების მიწოდებასთან დაკავშირებული ყველა გადასახადის გათვალისწინებით;

4.2 ანგარიშსწორება უნდადო ანგარიშსწორებით ლარებში;

4.3 ანგარიშსწორება იწარმოებს კვარტალში ერთხელ, მხარეთა შორის გაფორმებული მიღება-ჩაბარების აქტისა და მზღვეველის მიერ, წარმოდგენილი ინვოისის საფუძველზე, წარმოდგენიდან 30 დღის განმავლობაში;

4.4 საავანსო ანგარიშსწორება არ გამოიყენება.

5. მომსახურების გაწევის ვადა:

მომსახურების გაწევას გამარჯვებული პრეტენდენტი განახორციელებს - ხელშეკრულების გაფორმებიდან 2017 წლის 31 დეკემბრის ჩათვლით.

6. დაფინანსების წყარო:

დაფინანსების წყაროს წარმოდგენს 2017 წლის საკუთარი შემოსავლების ასიგნებები.

7. სავარაუდო ღირებულება: 11 000 (თერთმეტი ათასი) ლარი.

8. პრეტენდენტის მიერ სისტემაში ასატვირთი მონაცემები:

8.1 ინფორმაცია 2014, 2015, 2016 წლებში ანალოგიური მომსახურების გამოცდილების შესახებ. წარმოდგენილი უნდა იყოს ხელშეკრულებები და მიღება-ჩაბარების აქტები, ან/და სხვა ისეთი დოკუმენტი რომლითაც დასტურდება ანალოგიური მომსახურების გაწევის ფაქტი. იმ შემთხვევაში, თუ ანალოგიური გამოცდილება რეგისტრირებულია სახელმწიფო შესყიდვების სააგენტოს ერთიან ელექტრონულ სისტემაში, (ხელშეკრულების წარმოდგენა არ არის სავალდებულო) მითითებულ უნდა იქნას სისტემის მიერ მინიჭებული SPA/CMR ნომერი.

- 8.2 რეკვიზიტები დანართი N1-ის შესაბამისად ,დოკუმენტაციაში მითითებული ფორმისა და შინაარსის დაცვით;
- 8.3 მომსახურების განფასება დანართი N2-ის ფორმისა და შინაარსის დაცვით. სატენდერო წინადადების ფასები არ უნდა აღემატებოდეს N2 დანართში მითითებულ სავარაუდო ღირებულებებს და უნდა მოიცავდეს ამ ტენდერით გათვალისწინებული მომსახურების სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 8.4 ინფორმაცია ზარალის ანაზღაურების წესებისა და პირობების შესახებ;
- 8.5 დაზღვევის (არა სიცოცხლის) ლიცენზიის ასლი;

9. დამატებითი ინფორმაცია

- 9.1 პრეტენდენტს უფლება აქვს წამოადგინოს მხოლოდ ერთი სატენდერო წინადადება.
- 9.2 აღნიშნულ გამარტივებულ ელექტრონულ ტენდერში მონაწილეობით პრეტენდენტი ადასტურებს, რომ სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებითა და სატენდერო დოკუმენტაციით მოთხოვნილ პირობებს.
- 9.3 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას მხოლოდ ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი;
- 9.4 პრეტენდენტის მიერ, წარმოდგენილი ტექნიკური დოკუმენტაციის თითოეული დოკუმენტი დამოწმებული უნდა იყოს უფლებამოსილი პირის ხელმოწერით და ბეჭდით (მისი არსებობის შემთხვევაში).
- 9.5 „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 21 პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა 3 (სამი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნის სახით, რომელიც გაცემული უნდა იყოს სსიპ „ლევან სამხარაულის სასამართლო ექსპერტიზის ეროვნული ბიუროს“ ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ და იგი უნდა ადასტურებდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.
- 9.6 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის -“კითხვა/პასუხი“ მეშვეობით.
- 9.7 შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში - ქ.თბილისი, ვაჟა ფშაველას №1. საკონტაქტო პირი: **ნინო დემეტრაძე ტელ: +99532 238-14-25. ndemetradze@archives.gov.ge.**

დანართი N1

რეკვიზიტები	(ივსება პრეტენდენტის მიერ)
პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელ-ფოსტა:	
მომსახურე ბანკის დასახელება:	
მომსახურე ბანკის კოდი:	
ანგარიშსწორების ანგარიშის ნომერი:	

პრეტენდენტის ხელმოწერა: ----- (ხელმძღვანელი)

შესყიდვის ობიექტის ტექნიკური დავალება
დაზღვევის საგანს წარმოადგენს შემსყიდველის ბალანსზე რიცხული შენობა-ნაგებობები:

#	დასახელება	მისამართი	ფართი (კვმ)	საბოლოო/ დებეტი	სადაზღვევო პრემია (კვარტალური)	სადაზღვევო პრემია (წლიური)	მომსახურების გაწევის ვადა
1	საქართველოს ეროვნული არქივი	თბილისი, ვაჟა-ფშაველას გამზ.1	18267,00	8831901,23			ხელშეკრულების გაფორმებიდან 2017 წლის 31 დეკემბრის ჩათვლით
2	თბილისის ცენტრალური არქივი	თბილისი, ზაქარიაძის ქ.4	1975,65	619902,78			
3	ქუთაისის ცენტრალური არქივი	ქუთაისი, სადგურის მოედანი 3ა	1606,22	1754446,13			
4	ქუთაისის ცენტრალური არქივი	ქუთაისი, სადგურის მოედანი 3ა	2632,00	265976,92			
5	ახალქალაქის რეგიონული არქივი	ახალქალაქი, მალახსიანის ქ.12	257,20	21798,84			
6	ახალციხის რეგიონული არქივი	ახალციხე, მანველიშვილის ქ.15	640,00	66232,97			
7	გორის რეგიონული არქივი	გორი, თამარ მეფის ქ.47	590,90	28768,03			
8	დუშეთის რეგიონული არქივი	დუშეთი, აღმაშენებლის ქ.86	258,00	59965,97			
9	ზესტაფონის რეგიონული არქივი	ზესტაფონი, თამარ მეფის ქ.31	516,86	150060,37			
10	ზუგდიდის რეგიონული არქივი	ზუგდიდი, მეუნარგიას 11ა/ გამსახურდიას გამზ. 14ა	1739,00	1814869,34			
11	ოზურგეთის რეგიონული არქივი	ოზურგეთი, ჭავჭავაძის ქ.15	591,97	184028,57			
12	ქვემო ქართლის (რუსთავის) რეგიონული არქივი	რუსთავი, ხალხთა მეგობრობის გამზ. 20ბ	1985,00	2939987,83			
13	კახეთის (თელავის) რეგიონული არქივი	თელავი, რუსთაველის გამზ. 83	2887,10	1596877,37			
14	აღმოსავლეთის (ლილო) რეგიონული არქივი	თბილისი, დიდი ლილო	1461,50	707585,3			
15	ხაშურის რეგიონული არქივი	ხაშური, იმერეთის 6	618,00	50105,97			
16	ფოთის რეგიონული არქივი	ფოთი, წმ.გიორგის ქ.4	233,40	3150,35			
17	მესტიის ადგილობრივი არქივი	მესტია, თამარ მეფის ქ.54	284,00	87402,88			
18	კასპის ადგილობრივი არქივი	კასპი, ც.დადიანის 44	499,00	41686,11			

პრეტენდენტის ხელმოწერა: ----- (ხელმძღვანელი)

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტებთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სშ # სახელმწიფო შესყიდვის შესახებ (გამარტივებული ელექტრონული ტენდერი) (CPV 66500000)

ქ. თბილისი

---- 2017 წელი

სსიპ საქართველოს ეროვნული არქივი (შემდგომში - შემსყიდველი), წარმოდგენილი მისი გენერალური დირექტორის მოადგილის სოფიო ლონდარიძის სახით, ერთის მხრივ და ----- (შემდგომში - მიმწოდებელი) მისი ----- სახით, მეორეს მხრივ, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები (გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს).
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 მზღვეველი _ (შემდგომში კომპანია).
- 1.5 დამზღვევი _ ფიზიკური ან იურიდიული პირი, რომელიც იხდის სადაზღვევო პრემიას და რომელსაც გააჩნია დაზღვევის ობიექტის შენარჩუნების ინტერესი.
- 1.6 დაზღვევის ობიექტი: შენობა-ნაგებობები, ნავთობსადენი, გაზსადენი, წყალსადენი მილები და სხვა.
- 1.7 დაზღვეული _ ნებისმიერი ფიზიკური ან იურიდიული პირი, რომელიც ფლობს დაზღვევის ობიექტს და გააჩნია სადაზღვევო ინტერესი;
- 1.8 მოსარგებლე: პირი, რომელიც შეიძლება დანიშნოს დამზღვევმა სადაზღვევო ანაზღაურების მიმღებად;
- 1.9 ფრანშიზა: ზარალის ნაწილი, რომელსაც სადაზღვევო შემთხვევის დადგომისას არ ანაზღაურებს კომპანია;
- 1.10 სადაზღვევო რისკი: მოვლენა, რომლის დადგომაც იწვევს სადაზღვევო შემთხვევის დადგომას; ზარალის დადგომის მიზეზი.
- 1.11 ხანძარი: წვის არაკონტროლირებადი პროცესი, რასაც თან ახლავს ქონების დაზიანება.
- 1.12 აფეთქება: დიდი რაოდენობით ენერგიის გათავისუფლება შეზღუდულ მოცულობაში დროის მოკლე მონაკვეთში.
- 1.13 ქარიშხალი: დიდი დამანგრეველი ძალისა და მნიშვნელოვანი ხანგრძლივობის 37მ/წმ და მეტი სიჩქარის ქარი (12 ბალი ბოფორტის შკალით).
- 1.14 სეტყვა: ატმოსფერული ნალექების ერთ-ერთი სახეობა სხვადასხვა ზომისა და ფორმის მყარი ყინულოვანი წარმონაქმნების სახით.
- 1.15 ქურდობა: სხვისი მოძრავი ნივთის ფარული დაუფლება მართლსაწინააღმდეგო მისაკუთრების მიზნით.
- 1.16 ძარცვა: სხვისი მოძრავი ნივთის აშკარა დაუფლება მართლსაწინააღმდეგო მისაკუთრების მიზნით.
- 1.17 სადაზღვევო თანხა: სადაზღვევო ანაზღაურების მაქსიმალური სიდიდე.
- 1.18 სადაზღვევო ანაზღაურება: თანხა ან მომსახურება, რომელიც ეკუთვნის დამზღვევს (მოსარგებლეს) კომპანიისაგან სადაზღვევო შემთხვევის დადგომისას.
- 1.19 სადაზღვევო პრემია: თანხა, რომელიც უნდა გადაუხადოს დამზღვევმა მზღვეველს წინამდებარე

ხელშეკრულებით გათვალისწინებული წესით.

1.20 სადაზღვევო ტარიფი: სადაზღვევო პრემიის სიდიდე გამოხატული პროცენტულად სადაზღვევო თანხიდან.

2. ხელშეკრულების საგანი

2.1. ს.ს.ი.პ. საქართველოს ეროვნული არქივის ქონების (შენობა-ნაგებობების) დაზღვევის მომსახურების შესყიდვა სატენდერო დოკუმენტაციისა და დანართი N--ის შესაბამისად.

2.2. მზღვევლი იღებს ვალდებულებას წინამდებარე ხელშეკრულებით განსაზღვრული სადაზღვევო შემთხვევის დადგომისას ანაზღაუროს დამზღვევის ქონებისათვის ხელშეკრულებით გათვალისწინებული რისკებით მიყენებული ზიანი, საერთო სადაზღვევო თანხის ფარგლებში.

2.3. დამზღვევი თავისმხრივ იღებს ვალდებულებას წინამდებარე ხელშეკრულებით განსაზღვრული წესით გადაუხადოს მზღვეველს ----- (-----) ლარი სადაზღვევო შესატანი (პრემია).

2.4. დაზღვევის ობიექტთა კონკრეტული ჩამონათვალი განისაზღვრება დამზღვევისა და მზღვეველის ურთიერთშეთანხმებით, დამზღვევის მიერ შევსებული ანკეტა-განაცხადის საფუძველზე, რომელიც წინამდებარე ხელშეკრულების განუყოფელი ნაწილია.

2.5. დაზღვევის ობიექტი ან დაზღვევის ობიექტთა ნუსხა ყოველი ცალკეული შემთხვევისათვის განისაზღვრება სადაზღვევო პოლისით (საჭიროების შემთხვევაში პოლისს თან ერთვის ობიექტთა ნუსხა სათანადო ფორმის შესაბამისად).

3. ხელშეკრულების ღირებულება

3.1 ხელშეკრულების ღირებულება შეადგენს (.....) ლარს.

3.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების ჯამური ღირებულების 10 %.

4. მხარეთა უფლება-მოვალეობები

4.1. მზღვევლი ვალდებულია ამ ხელშეკრულების დადების შემდეგ გასცეს დამზღვევზე სადაზღვევო პოლისი, რომელიც ხელშეკრულების განუყოფელი ნაწილია.

4.2. დამზღვევი სადაზღვევო პრემიას იხდის კვარტალში ერთხელ, მიღება-ჩაბარების აქტის გაფორმებიდან და ინვოისის წარმოდგენიდან 30 კალენდარული დღის განმავლობაში.

4.3. სადაზღვევო პრემიის გადახდის დაგვიანებისათვის, ყოველ ვადაგადაცილებულ დღეზე, დამზღვევი მზღვეველს უხდის გადასახდელი სადაზღვევო პრემიის 0,02%-ს.

4.4. პირგასამტეხლოს გადახდა არ ათავისუფლებს მას წინამდებარე ხელშეკრულებით ნაკისრი ვალდებულებების შესრულებისაგან.

4.5. დამზღვევი ვალდებულია:

4.5.1. დაიცვას ამ წესებში და სადაზღვევო ხელშეკრულებაში მითითებული პირობები;

4.5.2. წარუდგინოს მზღვეველს სადაზღვევო ხელშეკრულების დასადებად აუცილებელი ინფორმაცია;

4.5.3. დროულად და სრულად გადაიხადოს სადაზღვევო პრემია;

4.5.4. მიიღოს ყველა შესაძლო ზომა დაზღვევის ობიექტის გადასარჩენად და ზიანის სიდიდის შესამცირებლად.

4.5.5. სადაზღვევო შემთხვევის დადგომიდან არაუგვიანეს ----- სამუშაო დღისა აცნობოს ამის შესახებ მზღვეველს წერილობითი სახით;

4.6. დამზღვევი უფლებამოსილია:

4.6.1. სადაზღვევო შემთხვევის დადასტურებისას მოითხოვოს სადაზღვევო ანაზღაურების მიღება;

4.6.2. განახორციელოს ქონების დაცვისათვის აუცილებელი პრევენტული ღონისძიებები.

4.7 მზღვეველი უფლებამოსილია:

4.7.1. მოითხოვოს დამზღვევისაგან სადაზღვევო ხელშეკრულების დასადებად აუცილებელი ინფორმაცია.

4.7.2. მოითხოვოს დამზღვევისაგან სადაზღვევო პრემიის სრული და დროული გადახდა.

4.7.3. სადაზღვევო შემთხვევის დადგომისას მიიღოს მონაწილეობა მისი გამომწვევი მიზეზების, მიყენებული ზიანის სიდიდის და სადაზღვევო შემთხვევასთან დაკავშირებული სხვა მონაცემების მოკვლევა-მოძიებაში.

4.8. მზღვეველი ვალდებულია:

4.8.1 სადაზღვევო შემთხვევის დადგომის დადასტურებიდან 30 დღის ვადაში გადაიხადოს სადაზღვევო ანაზღაურება; გადახდის დაგვიანებისათვის მზღვეველი დამზღვევს უხდის გადასახდელი თანხის 0,02%-ს ყოველ ვადაგადაცილებულ დღეზე.

5. ხელშეკრულების შესრულების კონტროლი

5.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

5.2. ხელშეკრულების ინსპექტირებას განხორციელებს საქართველოს იუსტიციის სამინისტროს ს.ს.ი.პ. საქართველოს ეროვნული არქივის -----

5.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული ხარისხის მომსახურება, მიმწოდებელი ვალდებულია წერილობითი შეტყობინებიდან 2 (ორი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული წუნდებული მომსახურების ღირებულება. მომსახურების უხარისხობა დადასტურებული უნდა იყოს შესაბამისად უფლებამოსილი ორგანოს (პირის) დასკვნა.

6. სადაზღვევო რისკი

6.1. დაზღვევა შესაძლოა განხორციელდეს მხოლოდ იმ რისკისაგან, რომელიც აღინიშნება სადაზღვევო პოლისში.

6.2. დამატებითი სადაზღვევო რისკები განისაზღვრება მზღვეველისა და დამზღვევს შორის შეთანხმებით.

7. სადაზღვევო შემთხვევა და სადაზღვევო ანაზღაურება

7.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. სადაზღვევო შემთხვევაა სადაზღვევო პოლისით განსაზღვრული რისკების ხდომილებით დაზღვევის ობიექტის/ების სრული ან ნაწილობრივი დაზიანება.

7.3. დაზღვევა ხორციელდება მხოლოდ ამ ხელშეკრულებით და სადაზღვევო პოლისით.

7.4. დაზღვევა ხორციელდება მხოლოდ სადაზღვევო ხელშეკრულებით განსაზღვრული დაზღვევის ობიექტის მიმართ.

7.5. სადაზღვევო ანაზღაურების სიდიდე განისაზღვრება დაზღვევის ობიექტის აღდგენითი ღირებულებით სადაზღვევო თანხის ფარგლებში.

7.6. სადაზღვევო ანაზღაურების სიდიდე არ შეიძლება აღემატებოდეს რეალური ზიანის თანხის სიდიდეს

7.7. სადაზღვევო ანაზღაურების მისაღებად დამზღვევმა მზღვეველს უნდა წარუდგინოს შემდეგი საბუთები:

-

-

7.8. დამზღვევის მიერ პრეტენზიის განცხადება უნდა მოხდეს სადაზღვევო შემთხვევის დადგომიდან არაუმეტეს ----- დღის ვადაში.

7.9 სხვა დანარჩენი პირობები დგება მიმწოდებელთან შეთანხმებით.

8. გამონაკლისები

8.1. წინამდებარე ხელშეკრულებით არ ეზღვევა:

8.1.1. -----;

8.1.2. -----;

8.1.3 და ა.შ....

9. ხელშეკრულებაში ცვლილებების შეტანა

9.1. დამზღვევის რეორგანიზაციის შემთხვევაში ამ ხელშეკრულებით ნაკისრი უფლება-მოვალეობები შესაძლოა გადავიდეს მის სამართალმემკვიდრეზე მხოლოდ მზღვეველის წინასწარი წერილობითი თანხმობის საფუძველზე.

9.2 დამზღვევი უფლებამოსილია მზღვეველთან შეთანხმებით გაზარდოს ან შეამციროს სადაზღვევო თანხა, რისთვისაც წინამდებარე ხელშეკრულებაში შედის ცვლილებები.

9.3. წინამდებარე ხელშეკრულება შეიძლება შეიცვალოს მხარეთა წერილობითი შეთანხმების საფუძველზე, ასევე მოქმედი კანონმდებლობით გათვალისწინებულ სხვა შემთხვევაში.

9.4. ხელშეკრულების მოქმედება წყდება მხარეების მიერ ნაკისრი ვალდებულებების სრულად შესრულების შემთხვევაში.

10. დავების გადაწყვეტა

10.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

10.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

11. ხელშეკრულების შეწყვეტა

11.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევაში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

11.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

12. ხელშეკრულების მოქმედების ვადა

12.1. წინამდებარე ხელშეკრულება ძალაში შედის ხელშეკრულების გაფორმებიდან და მოქმედებს 2018 წლის 31 იანვრის ჩათვლით.

13. ფორს-მაჟორი

13.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

13.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

15. მხარეთა რეკვიზიტები:

შემსყიდველი

საქართველოს ეროვნული არქივი
მისამართი:

ქ.თბილისი, ვაჟა ფშაველას №1,

ტელეფონი: 238-14-25,

საბანკო რეკვიზიტები:

ბანკის კოდი TRESGE22,

სახელმწიფო ხაზინა,

ანგ.# GE24NB0330100200165022,

სკ - 211358957

მიმწოდებელი
